

重印文登縣志序

民國壬申秋文登值兵燹之後膏盡髓枯瘡痍滿目古陶邱張公里元奉命牧茲土秉清慎勤三字之經行召父杜母慈惠之政夙夜孜孜專以撫綏安輯為務不半載政平訟理苛細悉蠲一時之被德化頌神君者聲達四境公撫字之餘念縣志為一邑文獻攸關而于孝廉霖達所纂新志體例精嚴記載翔實尤堪信今傳後惟邑人所印行者軼數少不敷傳觀乃倡議續印五百部并詔許叙其顛末以弁簡端許竊維縣志一稱邑乘載一邑之事者也縣長即古之知縣知一邑之事者也以他邦人士一旦驟膺一邑民社之重果能於其沿革利弊風俗人情一一洞悉靡遺否乎不於其沿革利弊風俗人情洞悉靡遺果能敷

文登縣志

卷首

序

一

化施政措置悉當否乎然則以知一邑之事之人其於載一邑之事之書不能淡然忽然漠不關懷者勢也他不具論即觀斯志之修起於光緒庚寅越八稔邑侯李公祖年蒞任始增刪訂正成為定稿李公賢宰也垂四十年猶深去後之思推之如天啓志成於解公啓衷壬子志成於邵公沉王志成於王公一變歐志成於歐公文解邵王歐諸公在文遺愛亦皆與李公相埒歷來之宰吾文者多矣顧志書之成何以獨出於解邵王歐李諸公之手其故亦可以深長思矣新志定稿迄今已三十六年簡斷編殘幾至湮沒雖經同人於壬戌之秋印行一次究以屬於私人倡辦僅以保存遺稿俾無散佚已耳不足謂為完成也今幸我賢宰張公登高一呼羣山響應既竟李公未竟之志猶是解邵王歐四

公述作之心一髮千鈞於以永繫他日胡風土考掌故者按圖索驥不至如杞宋之無徵焉新志之幸歟吾文之幸歟不待末學之曉曉矣民國二十二年歲在尙章作噩古天中節後邑人趙泮馨謹撰

文登縣志

卷首

序

二

續修文登縣志序

文登縣志創自明嘉靖戊申萬歷丁亥天啓丙寅續修者再清康熙壬子雍正乙巳歷經續修延至道光己亥百餘年矣其間一修於嘉慶庚午而遺稿亡矣再修於道光丙戌而大略僅存遲之又久網羅放失補綴成書蓋十得其六七耳孔子修春秋所見之世異辭所聞之世異辭所傳聞之世又異辭百餘年後墜緒茫茫諸事盡得之所聞與所傳聞嗚呼難矣後五十餘年光緒庚寅邑紳畢世基叢慶洲林煇健劉培選深謀遠慮恐失今不修再蹈百餘年之故轍稟請邑侯許公源清屬于霖逢秉筆續修其發凡起例暗與濂亭修志議合濂亭者曾文正公門下士張裕釗也丁酉書成李公祖年爲之序未及梓行迄今垂三十年

文登縣志 卷首 序

三

僅有叢煜杲鈔本與稿本並存而邑人士爭相傳觀幾欲人挾一卷家置一編何其不謀而同也歲壬戌邑人張國琪宋聯琨首先倡議印行謂前賢評海內志書以康對山武功爲最吾不知是書視武功何如然文獻攸關既不忍聽其束諸高閣徒飽蠹魚復不能如叢氏繕寫校讎藏作珍本計惟措貲印行公諸同好不如是則無以贖邑人士傳觀之心遂與王燮理宋琳宋岱等議以售書之貲印書並云吾兩人赴書肆估價校對資斧當自備誓不以口腹累人所需者印刷費耳同時襄辦者則有宋嶠宋培乾賈雲鵬張新潮趙泮馨宋肇城趙克昌傅可遵劉序卿叢培桐公同宣布當蒙邑人士各表同情雖重貲弗惜也因取叢氏鈔本與稿本參互攷訂疑必仍有訛舛之處且未敢遽以爲成書也

繫千鈞於一髮以待後賢不令與荒煙蔓草同歸磨滅斯已耳其視庚午丙戌志稿或求其片紙隻字不可復得或一二斷簡殘編流播人間豈歐陽所云有幸有不幸歟抑推本其存亡絕續而皆自於人歟今印行在即命序於前既前有李公序在亦僅述其顛末弁諸卷首庶不沒先後諸君苦衷而張國琪雖亦邑人蓋籍榮成云文登襟帶滄海崑崙鐵槎若屏障靈秀鍾毓代不乏人披閱是書亦可以觀感興起矣邑人趙鵬九敬序

文登縣志 卷首 序

四

原序

文邑志書始自萬歷丁亥天啓丙寅一修康熙壬子再修越今五十餘年山海依然井疆仍舊而風氣聿新版圖日盛民物事爲之不變垂紳佩玉祥麟威鳳之士迭出於山巔水涯間潛德有光名標月旦孝子義士貞女節婦接踵而代生文武勳業之不齊政治因革之不一制度經營之各抒其畧所爲天道變於上人事更於下足以傳後世光邑乘者不知凡幾余以康熙丙申蒞文邑閱志卽欲重修以茲土凋敝責在牧民先本後末權緩急分輕重次第敷施至於十年事有成理爰進紳士捐俸而脩輯之以疆域稽天地人之同異以建置攷都邑規模之廢興以學校徵重道敷教之得失以食貨核民物財用之煩減以典禮究

文登縣志 卷首

五

崇德尙賢之盛衰以官守驗文經武緯之謨猷以貢舉人物表賢才風俗之休嘉以藝文外志記文章政事山海怪異之無不備虛衷討論勿敢有成見也擇人纂輯勿敢徇私意也廣求輿論確訂事宜缺者增之繁者節之略者詳之舛者正之摻擇本於至公刪定衷諸正道期成信今傳後之帙以輔載議禮考文之休

聖天子留心方略清問民風東省自 大中承至 郡伯時歷山陬海溼之區觀風問俗所以興教化齊萬民者爲已至斯志十卷雖方隅之事略或足以供博採乎惟是簿書之餘校讎雖嚴不無疎略閱是志者開卷瞭然將後之視今亦猶今之視昔也雍正三年歲次乙巳年仲春月知文登縣事北平王一夔撰

原序

粵稽誦訓一官以詔觀事形方各職掌正封疆九邱八索爲太平一統之先聲食貨五行迺阜物擾民之要術文登義仲寅賓之處荆鄆薛土之區不夜名城多風識景秦罷侯而爲齊郡漢建國以表東垂牟平長廣代異其名廓定清陽世更其制縣之由來遐哉邈已夫其因山得名依海爲衛平野彌望崇厓蔽霄東則成山太始之初以禮日焉西則腫城羸秦之代以輓粟焉崑崙峙靈於北鐵槎拱秀於南蜿蟺扶輿風氣清淑任土作貢徹田爲糧周原膺膺一易不易之地良秬粳粟千耦萬耦之耘倉廩實而知禮節衣食足而興絃歌登降揖讓見於鄉飲之時禮讓稷勸無非橫經之士長吏則龔黃召杜有父母之稱武衛則細柳

文登縣志 卷首

六

棘門皆干城之選知仁聖義之書不絕於閭巷安車蒲輪之典時臻於闕廷瑠瑯璘璘翼翼濟濟蓋自秦漢以來數千餘年洗僻陋之餘習闢文明之盛觀滌瑕蕩穢鏡乎至清匪朝伊夕焉若乃角巾起慕乎林宗九原流連於隨會形管柏舟之節靡筭望石之貞以及前代之所祝釐先民之所矩矱魚鹽瑣屑之計雲物氣稜之占罔非治典攸關掌故所繫闡揚幽隱則薄俗以興究悉精微則生民以厚又况攷貢道於海疆搜遺文於耆舊爲尤大端者乎歲在強圉作噩陽月爰取舊志暨前令蔡君培續輯志稿延集羣彥益加網羅別類分門定爲十卷閱二載劄劂告竣沿革分合之迹釐然畢陳農桑禮樂之條燦然俱備國家德澤涵濡垓埏暢洽海隅日出依然禹甸之山川東萊小邦恍觀

周官之制作文等生逢

盛世宣揚

聖化舍此奚從也哉道光十九年歲次己亥仲冬月知文登縣事歐文撰

文登縣志 卷首

序

七

原序

昔孔子作春秋以垂教萬世後之作史者皆本聖人筆削之遺意而繁  
徵博引紀事纂言浩瀚而不失其宗至班固作漢書始有志自是而後  
一郡一邑之中皆綜其人物山川之盛以備考核要皆本作史之體例  
而為之然或擇焉不精語焉不詳則有病其固陋者矣吾鄉文登舊有  
志乃前令王公所修距今百餘年矣道光初年前令蔡公懼其久而湮  
沒於是輯雍正以後人物藝文以及建置沿革泐為一書未就而蔡公  
去任道光甲午予讀禮家居適宜與歐公來宰是邑下車之始即以本  
邑文獻為己任並將蔡公所修前志囑為校閱予時既少書籍又力不  
能廣為延訪不過去其亥豕魯魚之譌間參鄙見以備採擇而已戊戌

文登縣志 卷首

序

人

夏仲子官楚北武昌道吾鄉畢文亭嵯尹來遊出公手書備言邑志稿  
本均已繕就先達中政蹟卓卓者咸據墓銘家傳列入節孝貞烈亦皆  
毫無遺漏並命予作序夫以予之孤陋寡聞何足為公重特是吾邑雖  
蕞爾然濱臨大海波濤洶湧澎湃千里魚龍變幻出沒無常又有崇山  
峻嶺層巒疊嶂怪石嵯峨生雲吐霧環繞於城市村落間故其靈秀所  
鍾往往有奇人傑士名宦循吏以及孝子義夫貞女節婦蔚起而不窮  
使不有賢令尹急為表章千百年後能無遺憾歟予雖未獲見全書然  
以公之政事文章卜之必能綱舉目張辭約理備其信於今而傳於後  
無疑也爰不辭蕪陋而為之序道光十八年歲次戊戌仲夏月邑人于  
克襄撰

續修文登縣志凡例

一縣志為地理之書與史例不同自宋元圖經散佚明嘉靖間敕天下各修縣志彙為通志又彙為一統志其時秉筆之士不援據古志以起義例多用史漢之法標立門類於是天文輿地典禮食貨列傳方伎藝文諸目與史相衡一縣一志一縣一史矣古者天子乃有史官左史記事右史記言是也春秋之衰列國各自為史如晉乘楚檣杙魯春秋之類夫子舉而歸之天子元年書春王正月明乎春秋魯史魯不得而有之故曰春秋天子之事今之郡縣皆隸於職方可以為志不可以為史故向來志書僭用史體之例者概不敢從

一古之地志記方域山川古蹟風俗物產而已其書雖不可見然以元和志寰宇記諸書考之亦大略可想先之以建置沿革其次山川古蹟等逐條類纂無所謂總綱子目諸門以擬史例蓋志與史各不相混今之縣志踵事遞增不能盡從古體其城池關隘學校官舍倉儲津梁職官選舉名宦人物列女之類不能不詳著於篇以存一邑掌故酌古準今足為地志圭臬者莫如 大清一統志逐事直書實實典核屏除地志一切陋習而折衷至當今謹遵其例不立總門以次類記庶不雜史例而奪史權

一自明以前無縣志而地理存自明以來有縣志而地理亡其故在纂修諸人沿革不證諸歷代之史山川古蹟不參稽唐宋之書各

憑目見耳聞俚語俗傳著之於志愈流愈舛如邑中昌陽故城訛為康王山則根余昌山馬寶牛耳鶴鷗已泯其迹水則昌陽水郭家河久失其名溫泉七所見於樂志齊乘今志非其舊數以郭家河冒抱龍河之名以古橋河與木渚河為二其載之歷代諸志及唐宋元書歷歷不爽者或棄而不錄或更易其名因陋就簡不可枚舉今本各史地理志及元和志寰宇記齊乘諸書山川古蹟悉復其舊俾來者得考焉

一縣志存一方掌故非詩文集類後世之志雜採各家傳誌序記箴銘詩賦等篇分類編輯綴於卷末繁文禮詞冗而無當近來又仿漢史藝文之例不載詩文但錄書目不知史冊藝文上而聖人之

經列代之史次則九流百家之言薈翠成編以著古籍為典甚鉅一州一邑訓詁詞章寥寥無幾儼與天祿石渠同一目標亦云僭矣惟詩文之有關於土風者仿范成大吳郡志南宋方輿勝覽例以詩文散附各條之下以徵故實明王文恪姑蘇志國朝 欽定皇輿全覽日下舊聞考皆用其例今從之其各家書目即於人物傳中書曰著有某書幾卷

一 欽定四庫全書提要云軼文軼事志乘皆可兼收為夫先輩著述或燬於兵火棄於榛莽貽留無多不為收載則蕩諸寒烟荒草永不復傳如邑中郭少監崑崙集只存一文一詩叢司空丰山奏議僅餘殘簡斷編文獻所關等於杞宋如斯類者皆依類附載以

存之雖不關於土風亦所不棄其全集俱存則擇其足徵故實者載之又前人行誼年久湮沒所存之書序文可作誌傳其生平出處事實借此可考即附於人物各傳之後觀者詳焉

一 乾嘉以來金石之文甚行於世故修志者多增金石一門梵經造像連篇闌入殊乖志體茲編搜羅雖廣惟於古人官爵姓字品學行誼有關故實者酌量採入散附各條之下或全載其篇或刪節其要其浮泛者不錄亦不別立金石一門恐蕪雜也

一 舊志立典禮一門詳載祀典犧牲俎豆幣帛之數升降拜跪之文及 恩詔日月食鄉飲酒各儀注鈔撮 會典雜之志中此非體也 大清會典炳如周官頒行天下官司守之何待於志况典禮

文登縣志

卷首

凡例

十一

雅樂國家通制先賢先儒從祀並及各省非一邑所獨有而強立

一門以擬六典實於義無當今省

一 縣境明設成山靖海威海三衛衛各有志明時衛隸山東都指揮使司不由本縣統轄 國初改歸地方故康熙壬子志雍正乙巳志俱收入志中雍正十三年裁威海二衛併入本縣其事蹟掌故自當與文合志成山衛改為榮成縣凡所當書者俱見榮成志茲不複載

一文登縣志始於明嘉靖戊申邑人魏鑾續修於萬歷丁亥天啓丙寅今皆不存惟天啟志尚有殘本僅人物半卷田賦一卷藝文二卷

國朝則修於康熙壬子邑人魏鑾雍正乙巳邑人畢道光己亥邑人呂尚為

完書今人物名宦二門悉仍舊志其有舊志所遺者皆採之墓碑及各家文集傳誌表銘以補其闕惟採自何碑何書下必注明其近今人物為闕學諸生所採送者錄其原傳亦必注明某人所採以昭公道惟生存之人物名宦不為立傳鄉評沒而後定向例然也

一 自雍正乙巳至道光己亥相去百有餘年嘉慶庚午邑人金鏞李鴻祖續修邑志未付梓而廢稿亦無存己亥志採輯頗疏去今又將六十年老成殞謝故籍散失欲於百餘年後撥拾舊聞蒐討蕪難幸鄉先達于熙學有手訂乙巳志本郭文大有東海筆談金鏞有陽谷小識呂肇齡有啓堂隨筆呂潤蕃有墨齋隨筆林培玠有

文登縣志

卷首

凡例

十二

廢鐸曠諸書於本邑山川古蹟前輩嘉言善行多所紀載擇其要者錄入百年舊迹不盡放佚至靖海衛世襲諸官則本之衛人採送之指揮傳山川經緯則本之太學生張熙載所繪文登地輿圖識大識小均有關於志乘抱殘守闕之功未可泯沒也

一 人物入志自實字記始不過僅存姓名後人則本其出處行事詳著為傳然明人猶未全錄史傳雜入志中一統志所載人物皆簡括數語不錄史文良以志中之傳與史各自為體所謂詞尚體要也今仍舊例而以自明以前史傳及家傳碑銘附錄其下一則考鏡古人不厭詳明一則仍存志書舊例不使官私傳文混雜不分邑中如于可託徐士林王士任梁萼涵 國史皆入列傳不敢割

截未便附錄故不載焉

一故家官族各有譜牒 覃恩誥命莫不恭紀譜牒之首即無志書家乘豈能泯滅故今不載以免冗濫至坊表峙立萬目共觀 欽定四庫全書提要謂志乘坊表一門至為淺陋亦並刪除  
一國家有轉漕鼓鑄鹽鐵礦冶諸政故漢史本洪範之義名以食貨統天下水陸之產與政治經理之宜以為言也一方一邑陸地不過穀粟桑麻海疆不過魚鹽蜃蛤亦立食貨之門僭擬國史之例揆之志體於義殊乖元和志名曰土貢寰宇記於各州下志土產一統志列於卷末亦以土產命名謹遵其例用載大略其瑣碎紛雜諸物列郡所同有者概滌去之

文登縣志 卷首

凡例

十三

一仙釋一統志列於卷末謹依其例惟災異一門一統志所無者今依舊志書之兵革水旱饑饉春秋之例同在編年之中蓋兵事凶荒總名災異惟挽回運數在乎人事故於平亂賑饑之人附書其中所以見人事之有權而災異之可以補救官斯土者易禍為福轉危為安則父母子民之責也

一茲編所引近代志書自一統志外山東通志亦曰通志 國初登州府志則曰舊登州志乾隆間所續纂者則曰續登州志光緒七年知府賈瑚所修則曰新登州志文登舊志天啓丙寅知縣解啓衷所修則曰天啓志康熙壬子知縣邵沆所修則曰壬子志雍正乙巳知縣王一夔所修則曰王志道光己亥知縣歐文所修則曰

歐志其舊志舛誤之處今為改正仍注舊志之名明所自也

一甯文多土俗書如塚音牀莊也或壘音聚字之訛亦音曠山窩也今多為村名皆不見於字書音吧山名宜作音岳字高山貌地以五畝為一坵音上不知坵乃音籠如此類者不能悉數篇中間有徵引舊文不能遽改之處仍依土字餘如吧改作岳坵改作上又崑崙山之崑字不見於字書廣韻有崑字弋朱切山名崑字當與崑通

文登縣志 卷首

凡例

十四

文登縣志目錄

卷一

建置沿革 形勢 山川 古蹟 關隘 津梁 風俗

卷二

城池 官廨學校 倉儲

卷三

都里 坊市 戶口 賦役 鹽法

卷四

祠廟 寺觀 冢墓

卷五

文登縣志 卷首 目錄

職官表一 職官表二

卷六

選舉表一 選舉表二

卷七

名宦一 名宦二

卷八

人物一

卷九

人物二

卷十

人物三 寓籍

卷十一

列女

卷十二

釋道

卷十三

土產

卷十四

災異

文登縣志 卷首 目錄

十六

文登縣志	兩漢	為不夜縣 地後漢書 不夜入昌 陽不夜故 城今入萊
	魏	昌陽縣 昌陽縣 昌陽縣
	晉	昌陽縣 昌陽縣 昌陽縣
	宋	昌陽縣 昌陽縣 昌陽縣
	後魏	昌陽縣 昌陽縣 昌陽縣
	齊周	昌陽縣 昌陽縣 昌陽縣
	隋	昌陽縣 昌陽縣 昌陽縣
	唐五代	昌陽縣 昌陽縣 昌陽縣
	宋	昌陽縣 昌陽縣 昌陽縣
	金元明	昌陽縣 昌陽縣 昌陽縣

文登縣志卷一上

建置沿革

唐虞青州萊夷地禹貢萊夷作牧是也

舊志引典與分命養仲宅嶠夷曰陽谷又曰縣西之嶠里店即古嶠谷苑命養仲賓日處殊屬附會孔安國書傳東表之地稱嶠夷正義曰青州在東界外之嶠為表苑時青州越海而有遼東樂浪三韓之地後漢書東夷傳曰宅是嶠夷曰乃嶠谷指今朝鮮言禹貢維指據後漢書以嶠夷為朝鮮地蓋朝鮮古屬青州與今登州之東境隔海相對正合孔傳東表之語非文登地也齊乘以甯海州為嶠夷亦誤

夏商青州地

舊志青州之域後為斟灌斟鄩氏封國考左傳使濬用師滅斟灌及斟鄩氏杜注壽光東南有濬亭嶺山東考古錄對濬國故城在壽光東北四十里今為斟灌店斟鄩杜注北海平壽縣東南有斟亭平壽即今濬縣斟灌斟鄩亦今壽光濬縣境內確有明證舊志緣府志之誤率爾採入殊為無稽

周青州地萊國東境不夜城即此

齊地記云古有日夜出見於東萊故萊子立此城名曰不夜故城在縣東北八十里今入榮城縣 舊志云周為牟子國地據山東考古錄春秋以牟名國與地者有三皆不在登州境內路史齊志牟邑近臨淄

文登縣志

卷一上

秦齊郡睡縣地

乃遷牟於東海牟子國在今福山牟城社惟牟國原在今之萊蕪縣何時東遷諸書無考春秋襄公六年齊侯滅萊萊共公奔萊則遷牟當在滅萊後矣自牟以東別無國邑文登或其屬地也

漢置昌陽不夜二縣屬東萊郡

橫山東考古錄昌陽縣故城在今縣西南三十里後漢齊光武十王傳章懷注昌陽故城在今文登縣西南寰宇記萊陽縣前昌陽縣理在文登縣西南三十里昌陽故城是也又文登縣昌山宋永初山川記昌陽縣有昌山又云昌陽湯在縣西南四十里九城志文登有昌陽水是漢縣以文登之昌山昌水得名故城在文登明文如是 按縣之昌陽山東通志考之甚詳後惟續考古錄力為證據始知近志之誤惟其引齊乘昌山為昌水所出則仍混入萊陽文登昌水不出於昌山又謂今縣西南有古橋河東南流入母豬河即黑水昌陽城當在古橋河昌山之東今考縣西南三十里昌陽故城基址猶存土人說為康王城即漢齊縣督憲帝元康八年始移於今萊陽縣 又按舊書地理志無昌陽縣宋書州郡志昌陽令元康八年分長

廣縣立則今之萊陽縣也新登州志只知萊陽爲昌陽不知漢縣所在又不敢背其字記之文而移文登治所以遷就之云文登城當在今寧海西南海陽西北至唐麟德二年移而之東考文登建縣自北齊至今未移治所歷代地志皆俱在府志不察而認爲虛說武斷極矣

### 東漢昌陽縣省不夜入之屬東萊郡

舊志東漢省不夜入牟平縣考文登縣之西爲東漢東牟縣即今甯海州又西爲牟平縣則今福山縣是越東牟而省不夜入牟平斷無此理字記今縣東北八十里有不夜故城後漢省併昌陽是也

### 魏昌陽縣屬長廣郡

晉省昌陽入長廣惠帝元康八年復置於長廣地在今萊陽縣界今縣

### 爲昌陽縣地牟平縣地

### 劉宋昌陽縣地牟平縣地

昌陽縣治在萊陽牟平縣治在福山蓋晉省東牟入牟平縣文登之南境屬昌陽北境屬牟平也

### 後魏觀陽縣地牟平縣地

### 文登縣志 卷一上 建置沿革

觀陽縣治在今海陽縣魏書地形志觀陽有昌城即漢之昌陽城有昌山即今縣西南之昌鞍山有牛耳山即今縣東南之牛仙山蓋後魏復析昌陽置觀陽縣東極於海故今縣之南境爲觀陽縣地 牟平縣治仍在福山魏志牟平有之采成山之采在西成山在東則縣之北境屬牟平明矣

### 高齊天保七年析牟平觀陽地置文登縣 屬光州長廣郡周因之

按文登置縣元和志以爲高齊後帝分牟平縣置文登字記齊乘一統志俱謂天統四年置惟方輿紀要謂爲天保七年置北齊書無地理志考後帝紀天統四年無置縣之文惟文宣帝紀天保七年詔曰要覽之所舊多浮僞百室之邑便立州名三戶之民空張郡目於是併省三州一百五十三郡五百八十九縣三鎮二十六成文登置縣當在是年蓋省併牟平觀陽而置文登以方輿紀要爲是

### 隋文登縣屬東萊郡

隋書地理志文登縣後齊置有石柎有文登山斥山之采山

按隋承齊周之舊東盡成山西有膠縣牟平觀陽之地疆宇甚廣故唐初析置縣定清陽觀陽諸縣皆故文登地也

### 唐文登縣屬河南道登州五代因之

新唐書地理志武德四年於縣置登州以東萊郡之觀陽鎮之六年析置清陽縣定二縣舊唐書地理志貞觀元年登州及清陽縣定二縣並廢地入文登縣

按唐初於縣置登州亦曰文登郡見十道志清陽即今福山縣縣定縣地志諸書不載當爲今之甯海州麟德二年改置牟平縣如元年於牟平置登州神龍三年移登州治遷萊縣文登屬焉

### 宋文登縣屬京東東路 登州 牟平郡

### 金文登縣屬山東東路甯海州

### 元文登縣屬直隸都省山東甯海州

### 明文登縣屬山東布政司登州府甯海州

洪武三十一年於縣北九十里置威海衛東百二十里置成山衛南百一十里置靖海衛成化中置百尺崖所屬威海衛海山所屬成山衛甯津所屬靖海衛

### 國朝因之雍正十三年析成山衛置榮成縣威海靖二衛併入縣屬山東省登州府

按欽定皇輿表康熙間甯海州領文登一縣縣屬登州舊志不載改於何時疑在雍正十三年設併衛所時也俟考河東總督王士俊疏稱文登編員已極遠圖今再加以威海靖海成山三衛地糧軍

### 文登縣志 卷一上 建置沿革

戶其地周環至八百餘里殊難管轄而成山衛又未便聽其孤懸海濱且成山地方爲海洋東面險要之區則成山衛自應改設一縣以資彈壓東以成山頭海邊爲界西以文登縣橋頭集爲界南自靖海衛之甯津所海邊起至西南文登縣屬之柳樹村爲界西北以文登縣之周家村爲界分撥文登縣之朝陽都十一里溫泉都之橋頭等七里登光都之柳樹村等二里地故錄併靖海衛之事津所案南泊雜軍草場元正寨等屯俱歸改縣征收等因 題請奉 旨俞允

### 今縣境東西廣一百二十里南北袤二百里 東至榮成縣界六十里

西至甯海州界六十里 南至海一百十里 北至海九十里 東

南至榮成縣界一百里 西南至甯海州界六十里 東北至榮成縣

界六十里 西北至甯海州界五十五里 至登州府三百二十里至

濟南省會一千二百五十里至順天府二千二百里縣城在赤道北三

十六度十三分南界靖海在赤道北三十六度三十二分起東北界威

海在赤道北三十七度三十六分止東界東五度四分西界東四度二

十八分

舊志野云縣入危九度考晉書天文志東萊郡入危九度東萊領縣十七一邑而占一度說本難通况二十八宿割九州以天合地理涉元涉前人已多異議今測赤道度數以邑境為準不用前人分野之說附天文於地輿

附雍正十三年以前文登縣舊界 西北接濰州界自本縣鳴里店起十里至板橋村又十里至三十里舖又十五里至胡家莊又十三里至柳林村又二里至文登縣又十里至文登營又二十里至五岔口又二十里至報信店又二十里至橋頭舖又十五里至溫泉寨又五里至蒲柳村又二十里至黃埠村皆屬文登管內 自黃埠村五里至成山衛又三十五里至海為成山衛界 本縣南至老軍屯接靖海衛自屯至衛五里北至接官亭接威海衛界自亭至衛八里 以上舊界見 欽定皇輿全覽東西一百八十里南北二百里

形勢

鐵樣積翠層霄仰貫斗之形玉海環滄夾岸控朝宗之勢山東通志

憑負山海東陲奧區奧區

自唐宋金元以來縣之舊境西阻嶗嶗南北東三面距海為山左邊陲古稱天盡頭明時建立三衛備禦海防縣城居中三衛環列如星羅棋布形勢完固自分設萊成縣東郡軍弱如斷左臂

文登縣志 卷一上 形勢山川

四

山川

禹貢以山川定九州疆界秦漢建置屢更而不改失山川之限故州郡有易置而山川則萬古不變者也考乎于欽之言曰自圖經散佚齊地山川例變俗惡之稱况邑僻處東陲古旣失流俗相沿自明以來修志者不能據地志諸將以正其說以致境內山川半多舛誤今本各史地志並元和志異字記齊乘諸書所載者復其舊名而海疆島嶼池沼溫泉以類附記焉

泰山之脈東行者蒼於棲霞之艾山由艾山東北至鐸山折而北為鵠山又折而東北至鷹嘴石為寧海州又折而東峰巒巖巖望之若旂旗若檠戟若奔馬游龍青黛一色南北綿亘二百里外障東海內蔽三齊是為崑崙山文登在山之東萬峰巒嶺皆以崑崙為祖由崑崙而東北為陽里口又東北為愛山由愛山而東北為奈古山舊威海衛在其下自愛山而東南為著棋山自著棋西南行者盡於丰山文登縣在其下著棋山南出為駕山駕山東北入榮成縣盡於成山頭駕山西南行為

萬壽山又南為鶴鷗山又西為雙頂山又西為娘娘頂折而南為岱山為柘陽山又西南為鳳臺頂盡於五壘島自萬壽山而西為架子山為廟山又西為萬石山又西盡於馬山古之馬寶山也由廟山西南為摩

天頂又西南為昌山漢神龍祠在山上山之陽為漢昌陽縣以昌山得名故址猶存又西為九頂埠又西南盡於姚山頭木渚河入海處也由駕山而東南為李家山牛仙山鄒山又南為石門山蓬萊山又南為黃華山又南為望港山又南為黃山又東南為斥山折而西盡於鐵樣山奇峯九頂黛色參天南連大海西有故靖海衛由崑崙而西南為紫金山又南為崑山折而西為虎窠山在木渚河南岸北與姚山頭相對東水東流天然門戶此邑中諸山大勢也其分隸榮成者詳榮成志

文登縣志 卷一上 山川

五

陽谷小識曰邑處萬山中而以崑崙山為西北維著棋山為東北維斥山為東南維崑崙山為西南維

王志有鐵官山在縣西七十里新登州志在縣西一百四十里考一統志鐵官山在甯海州西南四十里漢鐵官鑄冶處舊志失考今不載又舊志嶗石山召石山今入榮成

崑崙山在城西六十里一名根余十六國春秋石勒遣石虎擊青州刺史曹疑疑議欲徒海中保根余山即此一名姑餘仙經云麻姑於此修道上昇餘址猶存因名姑餘蓋根余姑餘崑崙以聲相近而轉其最高者名大白頂一石大悲頂甯文於此分界山之西面距甯海境東一面入文登實為甯文嶺山明代以前老樹參天人迹罕到獸有鹿豕禽有子規 國初以來生齒日衆山木伐盡樵蘇可通山中雲烟綺縠冰雪琢鑲四時幽絕迥異人間羽客道流往往棲止世所傳王真人及麻姑

上界遺址多在甯海界

江都吳縣遊姑餘山詩二首

開說姑餘勝同遊物外身雲中穿徑客天半上山人路僻大聲急林深鳥語頻征衣沾雨濕到此拂清塵  
四望峰巒烟光暈眼迷倦人不及風急鳥鳴嘶翠色峯千仞清流湍湍溪澗心共遠身與雲齊

桐城方根本春遊姑餘山詩二首

一室開幽處信宿夜坐聞寒窗千頃月宵納四圍山所得烟霞外安知人世閒林風動清聽萬壑松松關  
遠石坐清曉登臨思不窮鳥喧深淵人影亂流中風激水聲急烟浮山氣空嵐嵐佳勝地清興更誰同  
甯海縣學遊姑餘山詩

知縣王一變遊姑餘山詩一首

靜室聯吟客悠然心境間有時惟嫌水無處不著山人坐翠微裏會開綠嶺間夜深移燭盡涼月到深關  
石磴層層觀森森萬木陰晦明幽壑懸去住白雲心寂寂盡天迥悠悠遠海深麻姑不可接霞果向誰尋  
古樹蒼蒼盤根蟻月半階前留階角拂雲高夜雨鳴天籟晨風颯海海斯遊當海邊石坐揮毫

邑人林鍾位晚經甯海山詩

合省軍聲亂春雲向曉生無從尋鳥道何處問人行履履初疑山空瀟瀟白鳴鶯三十里嶺未辨陰晴  
邑人呂繼齡遊姑餘山詩二首

擬買青山住蕭蕭策杖行到來應虛澗道覺道心清澗古雲張蓋花開鳥喚名寂寥人境外風動關鈴聲  
勝地元幽絕徘徊薄暮時晚煙迷天臺殘照入清池山靜鐘鳴遠林深月上邊奚奴引歸路筋力不知疲  
呂繼齡再遊姑餘山詩

看山比讓舊知新在瀟瀟遊十年前看記登臨路建瓴雲濤風吟紅紫樹懸瀾下層崖吼如奔雷

文登縣志 卷一上 山川

六

微徑一以折巖深谷盤互道遙迢窅窅雲中皮仙洞豁然豁石屹森布遙遙望海寧漢漢瀟瀟烟霧  
天高萬象殊地連百靈赴心神所應接夢境已歸昔奈何草草今茲領領遂乃知探奇者名山屢屢步  
君看蘇子瞻前後赤城賦

邑人于顯學西山詩二首

峯環瀾復歷行徐七十二座隱者居見說此山三百里巖巖政恐是根余  
揮首看山宿霧殘西風吹微海濤寬直從初日蒼涼外獨上峯頭萬里看  
于顯學懷巖詩

登萊神仙窟塵土帶如掃登惟天字清山川景亦好而况大真翁春秋號芳草自從七真來無人識文藻

朝朝乘鹿問日日燒雲老荒涼神清觀寂寞安期我昔曾周覽杖屨香滿道水光染山青松樹香十抱  
至今猶入夢何時更探洞口問蓮花峯頂望蓬島因之二勞遊宋詩可參沈沈身漸瘦花鞋著塵保

紫金山在城西五十里金大定壬寅馬丹陽過而喜之曰此洞天福地

名勝處也建東華宮於山前元大德壬寅李道元開石洞曰朝陽洞山

之西北五六里兩石屹立高三四丈狀如新月俗名月芽石隨石之凹

凸刻道德經文錯綜成行大抵金元諸真人所為一統志紫金山一名

崑崙高出天半俯瞰大海有泉曰靈源泉山之後為九龍池入甯海界

詳見州志

邑人呂潤井夜登紫金山詩

落日千峯夕蒼茫海濱村深林野野遠火點秋風力當松壯山形人夜登則然動長嘯彷彿是蘇門  
邑人于顯良雨後遊紫金山詩

紫金山下訪全真山轉羅城少四鄰策杖頻頻招遠顧披襟忽結看山因雨餘履踏苦雲破洞口泉梳石  
疑新仰羨五華碑字

古學登羅城更揮塵

撤簷山在城西南三十里單椒獨起峭削秀拔上有靈泉有碧霞元君

廟東為亭四顧蒼然山海繡錯賽神者先以靈泉盥手漱口而後入廟

以示誠敬舊俗也啓堂隨筆文登西南有山突出兩大河夾之蒼翠

秀崔巍嵯峨土人以撤簷名余以字音測之必是特秀曰撤簷者聲之

轉耳 邑人林丕欽登撤簷山絕頂詩

會聞海客說三山紫霄真來青插天險沈誰知幾今古滄海幾忽變桑田萬派朝宗東南去騰此奇峯始

文登縣志 卷一上 山川

七

何年孤撐直為天作柱峭拔如同華嶽連古廟丹青雜鬼怪驚風雲靈仙天門高步觀瀛海鐵樑壓  
尺九頂洞北嶺巖風高勢龍池噴雲落橋前掛星宿霄漢上雲霞繞膝珠斗懸回頭下視塵寰小只  
因身在 日之邊

愛山在城北七十里有泰山廟其下有洞曰愛山洞見寺觀 今作文明 碑作愛

老兩頂俗呼玉皇頂在城東北五十里上有石廟明宏治十七年建崇

禎元年康熙二十四年重修早潦祈禱無不應應山極高峻登其巔則

見三面海水際天崑崙峙其西南著棋對於東南四山合抱羣峰皆小

鄉進士叢雲燦碑云茲山蓋高為我境內第一峰歲在辛卯鄉之善信

士琢石為尊飾以金碧為禱雨處也

轉龍山在城北二十二里古名磨兒山由東迤西盤曲五六里如神龍

宛轉故改名東有大石險怪如臥虎俗呼為老虎窠下有二洞一東南

宛轉故改名東有大石險怪如臥虎俗呼為老虎窠下有二洞一東南

向一西南向天然相對深藏不測東一洞上有古篆數字剝蝕不可辨山之西舊有石廟村人禱雨祈晴及染病而禳者無不應遂共議陶瓦增椽爲廟落成之後適天陰雨忽一人自外至衣雖藍縷氣象異常問其姓名不作一語拾香爐中餘燼畫字於牆云轉龍山八景畫畢即去咸以爲仙

著棋山在城東北五十里俗名正棋山由崑崙而東以此山爲巨鎮頂有玉皇廟廟西有石枰方丈許色深翠界畫天然墨色深入石髓兩旁坐窠天成無斧鑿痕相傳爲仙人著棋處棋枰之西有自來碑聳立石壁高七尺廣三尺餘厚近尺無建鑿之迹可尋碑之中行四大字曰洞天府地兩旁及碑後小字有乾坤日月地天泰有生不壞等字餘多模

文登縣志 卷一上 山川

人

糊山之東北有白鵝石突然而出光潔可鑑遙望之如白玉琢成石之東有地泉一名地河深藏山腹尋之不見但聞水聲潺潺山下有洞名水洞洞門闊容數人漸入而路漸隘僅可容身碧水澄澈其深無底緣水岸石齒側足僕行既入又闕如是者三則石壁雲蒸路暗水隔不可復入相傳其下通北海云又有朝陽洞火石洞和尚洞皆幽邃山石中碑材色碧而質堅邑中古碑數千年不剝者皆此山石也山之西曰蜂山山隙時有蜜蜂出入故名

榮成歲貢韓士仁自來碑詩

著棋山上自來碑棋盤石四路之隈孤峰竦立隨巖竄峭石生根何折推借問土人幾多載百歲老人如童孩洞天府地無缺畫道動輿曲古體該乾坤日月地天泰有生不壞無疑猜其餘模糊不可識搜折粘棘剔每首殘書欲讀不可讀較龍怒鬪忽離開拘土拭之拂以袖極窮自力不矜衰最古張國獨古遇一字費盡數徘徊曲盡牙語不實重石髮字多埋獨立山頭長太息恐是飛來峯飛來

白鹿山在城北四十里寰宇記唐神龍三年刺史畢元愷獲白鹿於此燒車嶺在城北三十里

幞頭山在著棋山西十里許以形得名又城西十二里有幞頭山山石突出形似幞頭其下爲幞頭村

駕山在城東北三十里傳爲秦始皇駐蹕處其北爲天門洞南爲駕山寺古名清涼寺

天福山在駕山東南隅四面奇峰環抱中有地寬廠圍五里許突起平臺國初大水泊于氏建佛刹其上院宇幽邃竹樹陰森士人往往讀書於此臺之左有甘泉繞臺流涓涓不絕每當春夏之際樹林翳影雜鳥弄聲極爲幽勝

文登縣志 卷一上 山川

九

萬壽山在城東二十里山陽有古嘉會院今名洪教寺

六山在城東五十五里六頂相連故名有六山寺

邑人于照學夢遊六山詩

萬里誰能汗漫遊依然身醉六山秋寺門靜對公孫竹村笛遙呼子母牛領客尋花戀麗尾看僧掃葉待

雲頭題詩未竟郵雞

動夢斷空齋古錦收

三奇山在城東二十里上有龍穴石竈仙人迹因以三奇爲名林壑幽邃神仙窟宅也

鶴鷗山在城東南二十里寰宇記此山常有鶴鷗棲止故名今名金嶺

山又名佛爺頂石上蠣殼紛如或云舊時南連大海故孕此今山去海

二十餘里

廢鐘磬曰縣治南長山一帶雅似外屏其東南二十里有山高出羣峯勢如建瓴山巔之上其平若砥礪以周垣中建佛殿俗名佛爺頂因廟得名也山之周遭大小村落甚布足羅或橫掛山腰或潛伏潭底土

田無多類皆膏腴草木畜衣食充足不廢粒歌諸生明經釋經不絕科目則數十年而一見不可謂非山川靈秀之氣之所鍾也

柘陽山在城南四十里明時昌山神龍移祀於此有龍王廟山橫亘數里其南有古寺曰柘陽院峰巒合抱規模宏敞廟之西又有小殿三楹謂之西院逼處山阿石骨嶙峋殿後石洞中常有巨蟒潛伏天將雨輒效雞鳴時出遊人或見之不避人亦不為害乾隆三十年蟒去不知所之柘古碑之作遺

邑人賽珠遊柘陽山詩  
山勢懸巖盤海曲遊人一步一躑躅我從崑崙山下來窮貪山色入山腹千載空傳柘陽名到今不見柘陽木惟有鬱鬱萬松林亂峯高下迎人綠巖然古寺藏巖底碧瓦參差雜茅屋入門突兀摩雙碑苦辭說駁不可謂金皇統元至正遠疊花赤字髣髴老僧延客開深堂隨意起坐無拘東西行更上老龍宮靈靈森羅粉水族馮夷擊鼓龍靈舞指點丹青看不足我生性癖愛山老樵牧童喜近逐縹緲來茲遊真奇絕幾時踏徧海山擔拾紫芝調白鹿囊衣獨笠懷幽獨

文登縣志 卷一上 山川

海如壘焉

廟山在城南十里北對縣城為城南屏障其西為摩天頂

萬石山在城西南十里下有石屋明嘉靖間邑人叢馨講學於此巖畔有萬石山三大字方廣丈餘馨所鐫也萬石山五箇頂本是一山其東峰稍大曰五箇頂其西峰差小曰萬石山

名勝志萬石山上五頂相連尖峯峭削俗名五箇頂此大隄五箇頂別自為山不在萬石山上

江都吳燾題萬石山詩

萬石巖航曲徑通登臨身到白雲中千層松葉晴嵐數切楓林夕照紅秋草晚連孤峰遠飛泉落半山空攀援更上丹峯頂天海蒼茫望不窮

邑人于觀貞初春自縣城訪萬石山紀遊詩

我聞萬石高巖巖嶺柯依巖巖空樹今朝訪春指城南遠逾十里山相衝潮草初舒林葉掩殺雨已屆風未輒疎單隨步踏復春林者躍者兩兩三坐憩橫岡峰履屐行穿切澗履旋轉東環嶺如函陸擇北角青巖峻倒戶踰熊介壓虎尖削運切揮神斧何年龜背蛟成即實空幽壑舞星稱轉嶺金隔洪爐熱天匠踏傾瀉頭鐵西南一峯圓亦奇半壁峭壁削開蒸祇今大士跌盤住傳即少保兀爾處鎮巖三字懸書空阿誰還逞雄雌場來弔古苔生晚翠山有與命途途杜鵑啼危遠放花應怕催歸觸念家拒知垂老

無家梓正好  
棲霞懷巖觀

馬鞍山俗名馬山在城西南十里中多石洞今塞魏書地形志觀陽縣有馬寶山即此北魏縣之南境緣觀陽故以馬寶牛耳諸山定疆界山產繭最良土人名曰馬山繭

昌山俗名回龍山金史地理志文登縣有昌山一統志作昌陽山山南有洪昌陽縣城遺址一統志昌陽山在文登西南十里上段三字一名巨神山或作巨神島在城西南三十里山有巨神龍自漢已著靈異建祠山上寶宇記引宋永初山川記云郡國志昌陽縣有巨神龍有祠能興雲雨崔炎避黃巾賊於此山昌山之南濱海故亦可謂之島隋

之昌陽縣在今萊陽縣東南二十五里乃晉元康八年自文登徙此亦在昌山之陽齊乘昌山在文有昌山無巨神山隋史蓋緣漢志之文未加詳考故以文登之山誤注於昌陽縣下

登縣西南三十里有巨神龍龍祠坊本齊乘作巨神島蓋傳刻之訛欽定皇輿全覽引齊乘此條作巨神龍登州舊志引齊乘亦作龍字

文登縣志 卷一上 山川

自明以來昌山之名亡昌山神龍亦失所在遂移祀神龍於縣南四十里柘陽山此即今俗所稱禿尾龍王也修志者不考古蹟鄉里相傳遂多異說康熙五十三年龍見於宋村之北山此昌山改名回龍山之始見

即昌山山名既失山南有宋村宋土人名曰宋村北山

一時闔邑闕闕立廟山巔改名曰回龍山回龍之始見自是又移祀神龍於昌山每歲三月初二日俗傳為龍母誕辰妝演雜劇為龍母上壽香火之盛甲於東方道光二十八年山東巡撫徐奏請 敕加神龍封號奉 旨封溥惠佑民四字神龍遂列祀典

按宋永初山川記所引郡國志蓋晉司馬彪郡國志列宋時其文猶存也今永初山川記已佚幸寶宇記載之齊乘亦本寶宇記而坊本多誤龍字作島昌陽故城在縣西南三十里亦見寶宇記昌山在故城之北神龍漢祠久廢今祠則始於甲午數千年靈迹頓遺其舊額宋元地志諸書在耳 寶宇記海牛島引郡國志之文按水經注有司馬彪郡國志今亦不傳

王志縣南柘陽山有龍母廟相傳山下郭姓妻汲水河涯感而有娠三年不產忽一夜雷雨大作電光繞室孕婦免無兒胎之形後每夜有物狀如巨蛇擊梁上有鱗角怪之以告郭郭候其復來飛刃擊之龍躍而去似中其尾後其妻死葬山下一日雲霧四塞鄉人遙望一龍旋繞山頂及曉見家移山上土高數尺人以爲神龍遷葬云後禿尾龍見年即豐每見豐稔舉土人習而知之因掛祀之歐志同惟改

郭作  
李耳

按 欽定皇輿全覽引康熙志此條亦作郭姓妻與王志同歐志又改為李姓妻郭氏忽郭忽李然則神龍之姓無定矣其實二志皆無確證各據一時俗說採以入志久之遂成故實其所以稱此一姓者亦有故焉自明移祀於柘陽山之後多郭姓山之前多李姓也又縣之南境柘陽山柘陽山蓬萊山橫盤山等處皆有龍母墓然則墓亦無定矣總之深山大海實生龍蛇以人生龍於古未聞龍有姓有父母其母又有其妻又不一處姓又不一氏皆有明以來里俗之談宋元以前地志諸書俱在無其說也

鐵樓山房見開錄錄少保蘭初通籍時曾為黃溪令嘗於張真人處遇同鄉李龍神會求向其人擬類欲回家視其母公為代訪其人曰此非不可但宜避海濱而行免傷禾稼耳忽龍神已不見矣後公每暮日徒行頂上必有鳥雲一塊相覆即神龍之報也按此亦採俗說以入神乘神龍愈幻怪矣考明史袁蘭傳蘭登安治廣成進士即授戶科給事中終其身未嘗官黃溪縣令其說之荒渺不辨而明矣自明以來神龍之說愈傳愈謬故王志入於怪異歐志列於雜聞皆不合書莫古於易易之乾卦聖人取象於潛龍見龍登陽剛之德能興雲雨利萬物與大人同符龍自不怪傳者怪耳今復昌山之舊名謂神龍之故述本宋元之遺書而正以 國朝之封號古籍 朝章炳燾于古舊志諸說存而不論可也

邑人養珠龍母宮吟呈邑明府王公

柘陽山頂龍母宮下巖萬井上樓空龍母宮吟龍母善攝探不入松楸路當年龍母產龍子蟬鳴頭角亮厥尾磨牙攫爪騰空去朝泛清江暮黑水異物不忘母氏恩竭求歸龍巖谷裏風績績執縛龍潭水晶壩胡來海底至今曠明走千村珠宮貝闕山頭起曾無碑碣歲年代土人荒唐呼老李祈晴雨兩有靈龍

文登縣志 卷一上 山川

十二

守歸來禾黍登開說老情小不識雷電一時避邇來一去不知還前年移而回龍山巖巖石窮民力更築龍宮廟剝剝我嶺嶺一般喜新厭故理政然是年年收玉粒不惜處處金錢都怪今秋大雨電驟連旬矢望朝朝子熟時未上場狂風呼吼奔如削野哭滿溝溝拜上龍宮知未嘗飽哉愚慮匪難曉曉悔山場事不丁明府王公智以廉祠祭民隱知神好順上此時到公府傳諭千家曉萬戶更假明呼呼孟勞鑿斷靈根開雙符龍歸大海不回首自今以始歲其有 康熙甲午移祀神龍於昌山重起廟廟改名回龍山即此時中注語存此以備舉故使後世有考焉

娘娘頂在城東南二十五里山極高峻頂上有文峰塔建置無考洪武間重修嘉慶戊寅夏兩連旬塔復頹廢道光己酉重修南海行船者視以為準也山腰有馬蹄石石上仙人行迹宛然其西有古洞甚幽運山下為顧家村村南山亦有塔村西即白佛寺寺南為岱山有塔與文峰同

鄒山在城東南四十里東與牛仙山連山極高峻鳥道崎嶇攀緣可上

三面海濤奔赴眼底山南有鄒山庵山西有廩生于選墓即孝子于令芳廩墓處墓西北有石方正如几舊名馬臺石孝子改名方石晚年自號方石老人

牛仙山在城東南五十里即魏書地形志之牛耳山後改名平山舊志無名真人結庵於此乘牛得仙鄉人稱為牛仙因改為牛仙山唐順之左編王玉陽初居牛仙山即此

石門山在城東南五十里寰宇記山有二石聳立高二丈東西相去一丈望之如門即此廢鐸鑿曰邑東南有兩石突出平地高各三尋銳端南曲遙望雅似羊角迫而觀之北向作獅子形邑乘所謂石門山也土人名之曰雙石周遭地勢平衍六村環繞皆名雙石因石得名也

文登縣志 卷一上 山川

十三

蓬萊山在城東南五十五里有龍王廟

望漿山在城東南七十里山下有望漿寺古刹也

黃華山在城東南五十五里古黃華關也有黃華廟其西即千八港

塔兒山在城東南七十里一石突出形狀如塔故名今仆

廢鐸鑿曰余村東南十餘里有山曰塔兒山其形勢不甚高廣河經其陰東入於海土為水習遠爾暨立山之土石骨嶙峋悉出地上中有高石直矗上圓下方雅似浮圖曰塔兒山者因石得名也河廣不過數尺北岸則平沙無垠幾近里許每秋水暴漲山下深可滅頂其餘不過及肩南岸則沒腰而已河之北岸有村曰塔兒山亦因山命名也其村雖臨大河絕不為害村有數戶頗皆素封有某翁者思築室以廣其居乃糾合村人共取山石有長於風處者止之曰河伏山下從未泛濫以石塔故若毀石塔恐河徒無常矣不聽鳩工勢石塔隨之仆毀以築室未幾河漲北注岸當其衝遂成峭壁高逾尋丈水至岸崩村舍半淪於河於是北徙其居而河決則屈曲如射南北衝突毀良田無算河水去村不過數武而村亦實不能支夫天地生物各有其用剛愎者任意毀敗卒至身罹其災悔亦無及若此村者可為殷鑒矣

斥山在城東南一百里跨文榮兩縣界亦作赤金元為鎮設斥山寨巡檢於此邑中于氏昔家焉故曰斥山于



百千石真人精爽常為紫靈護綠崖更造清涼峯日氣樓閣同霜冬翠山羅列盡低伏似屏似笏維形容  
西望二勞北員嶺目力直窮扶桑東吁嗟乎青鸞已班白晝苦短隨彼向中遊尚為香線緩夫生不釣  
利更弋名八荒九域隨所經恨不插羽上霄漢仰首倒指辰星與星刻然長嘯煩襟襟一脫纒纒放鶴共  
君伯雅浮酒麟新詩滿墨題青壁但取快意人莫嘆留此款仰歸獨速同路俯瞰大海茫茫晚潮初月  
白

靖海宋雍登樓山詩

不入此山久重來興欲迷雲殘幽徑滑天遠數峰低落日晴光滿浮雲色齊扁舟如可泛更在暮湖西  
兼陽荒樵次宋伊水樓山韻

十載重遊客桃花波未迷天隨青海關雁入暮雲低下山惟石晴陰盡不齊朝來從杖履又過九峯西  
兼樓雲光洞詩

山水真佳事尋常不易經人來處勝地吾意結亭亭懸樹低雲樹開窗近斗星修風細細留待月明聽  
會稽何遠遊鐵樓山詩

峯影與雲連乘棹直上天蒼藤盤絕頂黃葉下飛泉苔蘚龍池畔煙嵐風壓氣偶然謝塵事來訪洞中仙  
邑人于觀真鐵樓起韻詩

我聞西頂道平腰天梯陡手板摩挲佛撥崖踴越走一蹶千丈崩日開心跳口最上兩重殿穿井水清潤  
不謂萬仞巔乃見乳竇割通北干真洞關始王仙手風數或逸三幻猜不容扣延關四丈餘圓石屏遮後  
次接九龍池龍窟疑若有其餘諸石怪哆口產怪醜窺窺與夾板詰曲通戶層石牢尤最下說石皆非取  
極高清涼頂三石像傳久即乃應洞鳴不似瓦指岳每逢夏四旬香會進俗母緣東魚實上產挽憑肩肘  
城專下西阪阪險屢盤踞沙滑以趨迅類杆投白東頂洞雲光仙靈無沒帶綠一昔煉丹成昇鶴斗  
再南號雲深洞沈海劫舟行或見字水廉懸門首元日水可退石珠驗風吼此皆山別派不列鐵峯九

文登縣志 卷一上 山川

十六

場來適八月草深蟻蛄鬱否則喻卓維骨秀松枝朽既英碧登步那偏著吾某聊復采此異垂紀此山壽  
邑人林鍾岱遊鐵樓山詩

青山欲倒東南傾萬山辟易逾海裂誰架孤棧橫地來九頂撐空色如鐵我行欲到望轉迷羣峯高出中  
峯低從從地底穿絕調更向石窺擊天梯盤迴千轉度平嶺仰視復與蒼冥齊懸崖欲墮不可躡直上惟  
有垂藤接伏行兩股幾不支下隨冥洞心膽攝線路直其腹爭門羅翻滾探捷忽爾中峯落半天岸  
花野草爭鮮妍開土幽居踞其下寶旛高倚天風懸捨身之憂憑危岫絕壁森山骨瘦背靡不登昌黎  
號陰風獵獵鳴石竇俯瞰大海起橫波渾沌一氣空宇宙深山日暮遊人多更尋古洞窮巖阿峭壁峻嶒  
一萬丈餘翻不至如蜂窠千真傳神在阿堵龍眉虬目堆青螺夜靜露下侵驚瓦長空忽見清光瀉翹首  
驚異天欲明回顧月在千巖下須臾高出到山腰星斗懸崖堪把起起島去青天陰月黯淡煙雨深  
龍池欲上不可得中峯已沒何處尋四顧濕漉翻雲海勿勿離離下遙岑西路絕絕掛層崖古磴盤迂入  
煙瘴出入高下不見天都從石底行石上緣坡小憩雨聲收擊峯就綠線遙相向日夜所聞竟不同俯仰頓  
覺增惆悵何時攜得驚人之句來共登絕頂排雲開西極或池東若木淋漓盡瀟灑飛崖丈夫行當道遙  
遊五嶽屈促膝下胡為哉君不見茫  
茫碧海接天漢漢使乘槎去復回

管山在城西北三十里巍然獨秀有石洞三一在山麓洞口石齒嶙峋  
上尖下廠深邃不可測執炬以往風來炬滅屢然屢息終不敢入中一  
洞石門排列類雙扉陰蘿晦冥遙望洞口噓氣成雲若吐納狀近峯之

巔又有一洞圓如環周圍無石亦無草木而滑澤闊平似履坦途時幻  
作樓臺亭榭奇卉林嵐須臾間變化無端蓋山市也

管山西北數里餘有山曰英武雙峰夾峙突落突起參差羅列有若關  
然又西北曰天馬山勢如天馬行空不可羈勒其東北小山曰小天層  
嵐錯疊蔚然深秀

朱紫山在城西北二十五里石髓中流出泥水皆朱紫因以名焉泥製  
為器澤潤而堅叩之有聲

邑西北有七松嶺嶺皆種松故名其六嶺巋然而起古松鬱盤狀作龍  
鱗曰香鑪頂距城二十餘里有臺如鼎足峙立一曰老人臺高丈餘  
廣倍之有石類羊形俗又呼為老羊臺臺側有石池口若巨壺水深二

文登縣志 卷一上 山川

十七

尺許澄清甘冽經年不涸久旱池水溢出環流臺下三五日內必雨農  
人以之占雨恆驗

元葆頂在城西北四十五里有將軍廟不知建於何時雖漸剝蝕而甃  
石如砥神像巍然自山徑西下曰珠山亦有古廟又轉而西曰五廬頂  
鳥道峻嶒人迹罕到舊聞麻姑飛昇實始於此仙迹猶存山之巔霧常  
不散俗又呼為霧露頂又西有一山相併傳為黃巢平後逸曾曾匿此  
山山多怪異水尤腥穢

密山在城西二十五里東連木渚西接崗山幽巖秀石多奇形怪狀又  
有石名怖鶴崖如鳥之凌虛而翔也山之陽有石屹立相向日石門門  
之左右曰貉子洞野豬溝南折而東有石洞中闊可容百許人其上牡